



DECUS ET TUTAMEN IN ARMIS.

CLARISSIMO VIRO DOMINO D.
LEONARDO GOVLAS
 COMITI CONSISTORIANO, SERENISSIMI
 PRINCIPIS GAST. FR. REGIS VNICI A SECRETIS.

BENEFICIIS non vitor ceu floribus, tandiu gratis quandiu recentibus; En fructus grati animi, tuæque benevolentia editissimi, obseruantiaque in te mea auctoramentum. Sic tuæ benignitatis solem, (quanquam in vmbra modestie tuæ) suscipio, ac veneror. Ingenium solis reuerentiæ imitatus es, qui ut lucis beneficium, quod nullum est inter humana diuinis, terris largiatur, non expectat hominum preces, sed usque adeo moras odit in cursu beneficentia, ut vota mortalium antevertens, prece quæ præueniens plerumque dormientibus oritur. Quod ad me attinet in hac vniuersa scientia, in me ornando quod primum, quod vltimum, quod intimum, quod optimum, non tam oculis vides, quam manibus oculatis. Immortalibus me et nunquam ab hac virium imbecillitate sustentandis beneficii onerasti, damnum indemne prestans, dum munera indulges, et simul officium compensandi modum, quando rem illam effecisti et perfecisti, cuius nomine apud me distrahi nullo modo poterit Medicina cultus a tuo. Perge de me benemereri, perge inopiam non fortune magis quam ingenii subleuare. Beneficii erga me tui magnitudinem inde asumo quod Medicinæ Adorem tibi sum perpetuo debiturus; et hanc ideo lemni scitatem Lauream in sinum splendoris, ac nominis tui deferro, Clienti tuo quod sponte presidium spondidisti id perpetuum, id ratum esse velis, oro. Tuere artificem, qui Artem amat, cuius apud egros usus, apud sanos honor est, et ex te decus præstolabor, et tuâ præsentia condecoratus, ac commasculatus perumpam Acheronta difficultatum. Hic desino, et omen capio securitatis et tutelæ tuæ eximia.

Tuus totus, et ideo tutus. GAB. DE BRIOVDE.

QVÆSTIO MEDICA
CARDINALITIIS DISPUTATIONIBVS MANE DISCVTIENDA
IN SCHOLIS MEDICORVM DIE IOVIS VIGESIMA OCTAVA FEBRVARII.
M. GERMANO PREAVX Doctore Medico, Præfide.

An vini quam aqua potus salubrior?

389

QUÆ in nobis humida sunt & natiui caloris perpetuò depascens actione continuâ siccantur in dies, citò contabescerent, ni potione ceu præsentî remedio humecta reficerentur; potione quippe princeps utilitas est siccitatis ablatio, & humidæ in nobis substantiæ pereuntis & collabentis instauratio; quin & quod nutriturum est, potio diluit in ventriculo, ac vt in partes singulas distribui possit facilius, fluxile reddit & permeabile; sic Chymus ex cibis solidioribus genitus in vasa deriuatur, & eas, quibus iecur conspergitur, angustas & implexas penetrat venas, dum tenui & aquosâ humiditate, tanquam vehiculo permiscetur.

EX omni liquidorum genere, quæ dictos vsus afferant, vinum & aqua maximè commendantur, & in communi omnium fermè gentium vsu posita sunt; hæc quòd frigida humida tactu & interiore temperie, sincera si fuerit, limpida & defœcata, omnisque alienæ qualitatî expers, levis & quæ citò calecat & refrigeretur, plurimam partem confert ad sanitatem, sitim extinguit, ac dum intrò subit, inanèque corporis implet capacitates, humectat & exuperantem calorem obtundit, cibis extrinsecus præparandis, elixandis, in ventriculo diluendis, permiscendis, & ad partes singulas deducendis est accommodata; nec tamen quod humidioris substantiæ perit vnquam resarcit, aut in corporis substantiam abire potest.

VERVM aquam, quæ noxâ careat, vix vllam inuenias, siquidem quæ coctû facilis ventrem exoluit & eliquat plus satis; quæ difficilè coquitur, tardè permeat, vertitur in bilem; à calidâ voluptates & illecebræ, sed camium mollicies, neruorum imbecillitas, mentis stupor; frigida dolores affert, neruis inimica, ac nisi cibus vini eius retuderit, pessima est, & vires prostermit: fontana quæ omnium optima censetur, diù moratur in ventriculo & ægrè superatur, pluuiialis facilè putrescit; putealis est putredinosa; fluuiialis morbosissima; lacustris & palustris insaluberrimæ, prorsusque cauendæ ceu pestilentes: adeò vt aquarum nulla sit, nisi vinum admiscueris, quæ non difficilè conficiatur, tardè descendat, fluctuationes pariat, in statum mutetur & corrumpatur, ventriculi robur etiam calidioris exoluat, calorem natiuum imminuat, ac penè suffocet, sitim, quam ad tempus sefellerit, irriter.

VINVM, succus carnis eius fructus qui ex vite est, vt alimentorum præstantissimum, sic potuum meritò princeps habendum, quòd eam labem quæ ab alio potu nostris corporibus impressa fuerit, omnem eluat, humidam partium substantiam insitam foueat, cum effluerit, instauret, ac nonnunquam exaggerans augeat; quin & sitim, seu interiore ventriculi tunica inaresceta, vel imbuta humore nitroso & acri, seu exhausta partium humiditate contigerit, citra vllam iniuriam ventriculi compescit, cibos in eo diluit, eiusque seruato robore, coctionem iuuat, fastidium abigit, & stomachi vires confirmat, dissolutiones quauis ex causa ortas, ceu cardiacorum optimum cõhibet, humorum reliquias, quæ vim obruunt appetendi, absorbet, succorum quibus corpus alitur promouet anadosim, ac ne quid ei desit ad sanitatem seruandam, vrinam mouet, sudores exciet, somnum conciliat, bilis amaræ mitigat acrimoniam, mentem exhilarat, placidos mores inducit, pellit mœsticiam, fortis facit & audaces, venerem sexus vtriusque languentem excitat, & fecunditatem ab aliis remediis frustra quæ sitam, sæpe restituit.

QVIN & vinum nullum est inuenire, quod ad tuendam sanitatem suas non obtinuerit dotes, easque præstantissimas; fuluum ad coctionem succique bonitatem primastenet, flauum est calidissimum, rubrum gignendo sanguini omnium est accommodatissimum, nigrum corpora quauis ex causa extenuata, plenius alit; album mouet vrinas & sudores; fragrans & odorum spiritibus reficiendis aptissimum; aluum humectat dulce & promouet sputum, austerum ventriculum roborat astringendo, bilem mitigat, fluxiones prohibet: tenue crassos humores incidit & obstructions ab eis ortas omnium fere morborum parentes expedit; aquosum quia imbecillum fabricitantibus, neruis & cerebro commodum. Generosum roborat, corpusque vehementer calefacit, venerem gemino stimulo prouocat; adeò vt omni ætati, sexui, temperiei, tempestati, morbis non paucis, suum ex arte possis vinum præscribere.

Ergo vini quam aqua potus salubrior.



Proponebat Lutetiæ GABRIEL DE BRIOVDE Aruernus. A. R. S. H. M. DC. XLI.